



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六四四

陔蘭書屋詩集六卷陔蘭書屋詩二集三卷補遺一卷附汪紉蘭撰睡香花室詩鈔

一卷陔蘭書屋詞集六卷陔蘭書屋試帖三卷 潘曾綬 撰

一

鋤月山房文鈔二卷 何仁山 撰

一六七

艸艸堂詩艸二卷 何仁山 撰

二四九

鴻蒙室詩鈔二十卷鴻蒙室文鈔三卷鴻蒙室文鈔二集二卷 方玉潤 撰

三〇七

知非堂未定稿不分卷 招廣濤 撰

六三三

咳蘭書屋詩集

芝齡李宗昉書

序

余嘗謂詩者志也可以覘其志而不能揜詩者持也可以驗其所持而不可拔吾鄉潘芝軒尙書早歲登巍科躋顯仕文望冠海內門下士徧天下皆一時人傑咸能登高作賦無愧九能矣其架訓所授於庭者悉以雅頌正聲垂爲庭誥今其哲嗣絳庭隨宦京邸以詩稿寄滇問序於余余惟詩三百篇皆緣情作也性情正而詞意醇法律嚴而心氣定乃可與言詩近今詩家輩出求其去淫濫歸雅正者蓋鮮觀絳庭諸作皆發抒性靈意存忠厚清而不失之薄華而不失之靡巧而不失之纖生

咳蘭書屋詩集

序

長華闕而不役志於富貴年逾弱冠而能力持平風雅繼家風之清素結朋簪於老蒼皆可於此集覘之正所謂覘其志而不能揜驗其所持而不可拔者也他日踵武瀛洲和聲鳴盛庸可量乎是爲序儀徵阮元撰

詩以道性情人人知之然則治詩者亦治其性情而已治之惟何慎其所感則心正擴其所明則體充心正則無作好惡體充則盈天下之物皆入吾性情之中而莫能外斯有契于比興之本原而美刺足以垂教矣三復絳庭詩張景陽之華淨虞常侍之清拔殆于兼有其勝而予尤愛其詠歎之間在在性真流露如朝日初出神

人和暢而治之之功正宜此處著力爰以夙所持論者敬質諸絳庭其將犁然當于心而更有以裨我也夫道光八年春二月九日定廬弟錢儀吉書于晉硯齋中

陔蘭書屋詩集

序

二

題詞

顧 蕓南雅

手攜一卷詩披向空齋讀生香何處來海棠紅覆屋門外十丈塵相對伴幽獨

吳嵩梁蘭雪

鳳雛擅家法五字愛清真笠澤爲知己樂城得替人移花香入檻步月影隨身夙有探梅約棲居願結鄰

傳來佳句似芙蓉小謝才名信不虛詩意我隨雲共嬾卧游還只在匡廬

張 深茶農

陔蘭書屋詩集

題詞

一

唐成思致縣邈宋閩才氣縱橫併入君家一手榮陽誰與齊名

鐵廬工拙不計那老清貧可憐何似一年一集風流綺

歲神仙

董國華琴涵

家聲籍籍鳳皇池小鳳聯翩各擅奇較勝東坡老居士斜川集外更無詩

好句都應籠碧紗清于瑤雪綺于花聯床自和郊居詠皮陸風流在一家

杜寶辰稼軒

一卷琳瑯許我持瑤林拜到第三枝才人慣數江南地
公子驚看弱冠時綠雪半甌惟啜茗紅塵滿路且吟詩
騎驢畧飽游山興玉署登仙漫恨遲

晴窗訂就白雲篇福慧如君竟兩全鴛夢不離詩舫外
雁行常聚佛龕前春風蓉鏡原家學今雨苔岑或夙緣
莫道貧居蕭寺貴買鄰還值許多錢

彭蘊章詠莪

苞鳳翔雲間文采一何綺其聲中歸昌伶倫爲傾耳有
時譜成英金石暢條理坐使鐘簾間蜿蜒卿雲起如何
女牀山尙隔蓬萊水我欲鞭神鼇移來渡滄海

亥蘭書屋詩集

題詞

二

荆山一片玉鵲尾騰虹光問君何能爾可以琢圭璋玉
德本純粹他山石亦良願收攻錯益登之君子堂雲雷
刻竿盞繅藉薦蘊黃卞和雖不作此意未能忘
漢濱有游女神蹤不可求交甫持玉珮恍惚無緣投安
得雙飛翼攜爾雲中遊莊誦東門詩如茶非匹儔何因
遇彼美貽我春蘭幽春蘭香不滅楚客心悠悠
我聞靈芝下必有醴泉源又聞芳苓美實產古柏根物
理茲可喻毓才通德門長安多貴游意態一何尊君獨
親風雅夙好篇什敦沉吟得所性道氣與之存
顧翰蘭塘

兄爲詩佛弟詩仙名噪蘭成射策年棗葉禪參微醉後
梅花香發早春前輾紅洗去冷冷水嫩綠分將澹澹煙
一曲琴心留太古宮聽清汜在朱紵

臨頓新居古鳳池亭園幽雅足栖遲休論曷倩十洲記
且和松陵五賦詩茂苑樓臺多入畫石湖煙雨細于絲
蒲蘆祝子來斑管媿我心情似餅師

曹振鏞饒笙

孝養南陔傍帝宸游思鉛素靜娛神羔裘端合推邦
彥喬木從來重世臣蘭蕙含清應擢秀竹枝凝綠自成
筠借君句向君持贈金榜才華第一人

亥蘭書屋詩集

題詞

三

好從正始得真聲非比時誇翰墨英三代交情成老友
一家風味盡書生水無波浪源常活山有峯巒勢不平
熟讀金昆花萼集棣華韡韡艷詩名
陶澍雲汀
風雨談詩代有人如君兄弟近無倫移華蔭聚交柯美
么鳳聲諸尾唱新燕市酒傾名士韻帝城花助少年
春七襄織就天孫錦拭目雲章黼座陳
陳文述雲伯
三鳳河東迥出羣今看小鳳最清新才名自古三蘇重
尙少樂城集外人

李宗昉芝齡

舊聞雛鳳最聲清一集咳蘭待品評才筆雄能刪綺語
交游雅不近浮名花聯棣萼詩爭誦鏡兆芙蓉賦已成
留取傳家工射策賡歌還與頌承平

張祥河詩舲

養親園內養心意慧業文人足可誇鄧尉梅花石湖月
東來靈秀在君家

朱 綬西生

冰雪清光在筆端詩人有弟古來難若從蘇謝中間記
寶氏聯珠集並看

咳蘭書屋詩集

題詞

四

絕好園亭古鳳池阿兄禮佛弟吟詩悟來香象羚羊外
亦是拈花破笑時

張際亮亨甫

落箋堂稿劇清新今日漁洋得替人叔子西樵俱絕調
大明湖柳爲誰春

侍講高才昔自雄

謂吳巢松

白頭顧董各宗工

南雅太史
琴南太守看

君落筆追前輩十丈蓮花玉井中

少日高軒句偶成十年慙媿負虛名相憐何止如邢尹
桂殿嬋娟識此情

咳蘭書屋詩集卷一

吳縣 潘曾綬 紱庭

乙酉

竹聲

檐前忽作一聲聲似語秋心向月明地迴便疑鸞鳳嘯
天寒應有珮環迎滴兼宵露音全濕攪入階泉韻倍清
只合蓬萊仙館聽何須裁律競竿笙

竹籊

咒筍虛將一片心籊龍作勢已盈尋風霜勞爾重重護
苔蘚休教漸漸侵薄暮佳人籠翠袖初生稚子脫華簪

咳蘭書屋詩集

卷一

一

無遮禪悅參方透倚枕閒聽簌簌音

桃花塢

金榜才華第一人卜居占得武陵春憐君已被風流誤
莫向桃源更問津

滄浪亭

寄跡滄浪亦偶然蘇公名與此亭傳清風明月原無價
破費當初四萬錢

仇十洲畫

料峭春寒繡簾裏博爐香燼煙沉紫窗前鸚鵡喚茶聲
美人曉夢驚初起燕燕鶯鶯各鬬妍江南二月最堪憐

雨絲風片靡蕪地冷翠殘紅又一年

秋夜

夜色清如水中庭露未晞流螢復何意點點上人衣

咏庭中秋葵花

冷淡疑無色高寒別有香可憐人未識獨自向朝陽

夜坐

蕭淅雨初殘幽窗夢未安月明人語靜屋老夜燈寒
樸學有真意虛名莫妄干千秋期望重只是解人難

夜雨

唧唧砌蟲急半庭秋雨涼遙情落何處一曲寄瀟湘

陔蘭書屋詩集卷一

二

題潘望之先生鴻誥詩集

先生曠代才磊落多奇致九齡工詩歌神童匹李泌弱
歲恥雕蟲說經得精粹大海吞百川歸墟無巨細俯視
詞賦家瑣瑣等輿隸偶然壯采飛筆挾風雲氣險語效
昌黎鬼膽驚墮地千篇十不存唾棄猶敝屣念我同門
友收拾珍隻字朱絃無新聲太羹有餘味披覆忘夜深
孤燈落紅穗月華散空林香雜天花墜

題葉九儀女史金碧山莊詩草

正石心上
舍正室

鏤雪團香一卷詩芙蓉出水想清姿紅蕉花下挑燈讀
勝似初三月上時

莫釐峰畔水彎環洗出凌波翠髻鬟嫁得詩人水雲客
不教卿子擅寒山

丙戌

讀陸放翁詩集

南渡詩人一放翁襟懷磊落有誰同直追杜老成千古
只許坡公角兩雄國步艱難棋劫後身名感慨酒杯中
吾吳韻事吾能說團扇家家畫本工

遲友人不至卻寄

碧天涼後淨無塵燈火宵分漸可親銀漢不流烏鵲杳
月明千里兩閒身

陔蘭書屋詩集卷一

三

題秋水圖寄張秋水先生鑑

短棹橫波放小舟荻花如雪滿汀洲憐余別有伊人想
欲往從之動遠愁

丁亥

晚眺

高閣空濛裏孤亭杳靄間鳥投煙外寺人對畫中山秋
水兼天淨白雲終日閒平原多暮景歸去月如彎

題思樹芳蘭圖爲黃樹齋編修爵滋作

焚罷爐香讀楚詞便從空谷寫幽姿如佳子弟令人喜
看到庭階得意時

彩鸞弟子本超倫想見揮毫絕點塵一任滿山桃李豔
無言偏對素心人

題畫

煙外柳絲絲堤邊垂釣時湖山歸夢冷只許白鷗知

對菊小飲

黃葉漫空飛衆芳凋謝速忽見竹籬間幾枝綻芳菊傲
骨耐秋霜晚香洗塵俗不受世人憐但娛高士目冷趣
許誰知奇姿讓汝獨有酒且自斟酒酣歌一曲曲罷月
華生一輪光滿屋

古意

陔蘭書屋詩集

卷一

四

天寒羣卉稀歲莫古松勁莫取一時榮當悟萬物性

杜甫

草堂身世感流離滿目兵戈獨咏詩三賦曾邀明主鑒
七歌空抱遠方悲艱難穀食居同谷倉猝麻糲拜拾遺
共識文章千古事熏香摘豔是吾師

韓愈

吏部文章氣吐虹起衰巨手許誰同表論佛骨千秋壯
碑記淮西百代雄衡岳有靈誠自格鱷魚雖暴感能通
苦吟欲定推敲字後學何緣得遇公

題顧丈南雅太史所畫梅花手卷

古來高士多梅癖欲比廣平心鐵石愛梅更愛畫梅花
十枝五枝橫交加明月在天雲滿地老幹虬枝有生氣
偶然興到筆淋漓卽以梅花寫吾意我昔夢作羅浮吟
四百峰頭何處尋披圖忽覺暗香滿一片平生冰雪心

題早桂圖爲吳梅梁侍御傑作

蟾窟曾攀第一枝秋風初動露華滋玉堂染翰鑪煙裊
猶記天香入手時

高柯森挺碧霄澄夢到瓊樓最上層移得五枝綠砌種
燕山佳話又延陵

戊子

陔蘭書屋詩集

卷一

五

正月五日大雪用東坡尖叉韻

冷光射隙辨毫纖白戰詩家號令嚴滿酌不辭沽易酒
廣庭且看撒吳鹽霰珠歷亂先拋瓦冰筋玲瓏欲挂檐
最愛喬柯森勁節後彫猶露翠鍼尖

院深樹靜不聞雅滑滑泥多阻客車疑有仙人披鶴氅
定教冷夢到梅花聰明欲讀書千卷雕鏤將成集一家
卻憶江南舊吟侶夜來覓句手頻叉

送董琴南太守國華出守昭通

乍喜新詩互唱酬又將賦別起離愁二千石職須良吏
一萬里程紀壯游霜簡昔曾傳諫草銅符今更播嘉猷

定知飭治皆經濟仁向滇南采頌謳

聞官軍生擒首逆喜作

頗牧威名出禁中六師韜略稟

宸衷雪消瀚海無傳箭日照天山早挂弓勝算萬全擒

首逆捷書一奏策元功重臣更上安邊議看寫殘煙氣

象雄

亦吾廬三詠

隨侍居京華隙地十弓拓斗水觀亭泓心跡自灑落參
差蘋欲浮空明魚或躍頓教倦眼醒豈使靈源涸既鼓
風中琴相邀池上酌客謂我非魚焉知魚之樂樂意各

咳蘭書屋詩集

卷一

六

自知魚亦欣有託

游魚

一簣特森秀具此煙雲姿玲瓏鑿山骨天成非人爲山
水如臥遊邱壑寄深思我學米顛拜亦似愚公移窗中
列錦屏世外逢仇池無土樹亦活得雨苔還滋在山與
出山只與閒雲期

盆山

盆池咫尺間一一羅珍石大者列丹青小者漾金碧或
潤如點螺文章淡無迹或圓如龍眼光采等圭璧五色
燦爛中突兀一峰隔始知洞壑奇卽在幽人宅移玩近
窗前清晝展蒲席

綺石

秋影堂偶成

柳陰深護屋三楹卻喜餘閒近物情兩過池痕侵石址
風來花氣撲簾旌窩名雅愛身安樂硯字宜鐫心太平
眞意靜中誰共領鳥聲時和讀書聲

題蘇賓嶠舍人

孟陽

清淮紀夢圖

異境迷離曉夢殘幾椽精舍寄江干清淮記取佳山水
莫作雲煙過眼看

六月二十五日過金鼇玉竦橋觀荷花

紅雲深處綠雲鋪載酒看花興不孤涼意一亭明月到
濃陰十里好風俱樓臺清景添詩料鷗鷺閒情入畫圖
縹緲仙山瞻咫尺登臨恍似到蓬壺

咳蘭書屋詩集

卷一

七

送黃樹齋編修典試江南

江南人文數才傑如雲屯稍嫌尙浮華根柢鮮討論君
爲通儒學經史探淵源文強讀未見伯起鈔分門一朝
持玉尺千里采荃蓀江淮水浩蕩烏蟾相吐吞皖歙山
雄奇象緯若可捫願拔器識士以酬朝廷恩

采采芙蓉花馨香若相待香風猶繞襟奎光倏騰彩輝
輝星軺行炯炯冰心在平生樹芳蘭思結不可解
芳蘭此去多汀洲秋波富蕙芭朱絃寄遙情墨花時一
灑訪璞喜登崑剖蚌樂游澥煎茶得新詩珠字貽百琲

題畫

蓮墮殘紅水亦香尋詩兼爲看

吳

聞吹簫

併作西風一味涼

秋日寄吳梅梁觀察張茶農大令

深

秋色清如洗林巒圖畫中星疏雲吐月夜靜樹呼風蟲

語藏深碧荷衣剩淺紅故人餐飯意珍重寄詩筒

訪朱野雲山人

鶴年

白雲紅樹畫難如最好新涼薄霽初風露滿庭秋影澹

半簾明月半牀書

男祖蔭謹校

陔蘭書屋詩集

卷一

八

陔蘭書屋詩集卷二

吳縣 潘曾綬 紱庭

己丑

讀東坡集

仙蹤難遇合佛力證平生磨竭一身老飛鴻萬里行文

章都牘事忠孝本詩情李杜韓歐外何人埒大名

題鮑丈覺生宮尹

桂星

手書詩卷爲曹玉水舍人

江作

碧天鶴影去翩翩醉筆淋漓憶昔年名士老來詩律細

仙人謫後道心堅煙雲過眼都陳迹翰墨隨身也夙緣

陔蘭書屋詩集

卷二

一

今日披圖漫惆悵殘縑斷楮尙畱傳

題阮小雲郎中

常生

琅嬛仙館圖

羨君才筆擅風流王謝門庭班馬儔一軸雲山畱勝蹟

六朝煙月話前游神仙眷屬推鷗館兄弟文章繼鳳樓

老屋三間書萬卷定教清夢落揚州

神木歌

天外波濤地上起蜀山之精老不死午日仙人市上眠

光氣亘虹燭天紫錯疑駿骨埋土中化成巨脰如防風

誰識燕京修築日丁搬甲運勞神功古來材大難爲用

杜句五百年來同一夢狂花不肯驚世人故山子規啼一

春井絡星精長照樹有時四面生雲霧風雨聲中忽飛去

阮丈芸臺宮保元自滇南入覲奉呈二律

柱石奇英梁棟材層霄星象朗中台

三朝榮遇清名重萬里長途絳節來文字因緣推老輩
湖山管領要仙才都城桃李春陰徧記得門前次第栽
仙毫獨掃軟塵紅天下名山半集中墨瀋遍馨江上水
琴聲遙鼓海南風訪碑兼有歐陽癖作頌誰如吉甫工
卻喜調羹消息近梅花香裏報春融

吳蘭雪刺史嵩梁招飲寓齋同曾丈賓谷中丞煥

陔蘭書屋詩集

卷二

二

汪丈巽泉侍郎守和盧容庵太僕浙丁興齋侍

讀錄李東原編修儒郊陳子鶴吏部字思

瓊璫飛後放晴天折簡相邀入綺筵花裏吟聲姜白石
酒邊醉筆李青蓮詩人自是神仙侶我輩都成翰墨緣
春草池塘清夢遠一龕何日共參禪

二月花朝日復舉一女

又聽啼聲試浴盆高堂笑語似添孫待看湯餅筵開日
定有杏花紅到門

題卓海帆府丞秉恬滄浪話別圖

地占滄浪勝人傳京兆名青山仍有約白水許同清煙

樹繁離緒琴尊憶舊盟披圖更惆悵回首莫雲橫

三月初八日招諸同人雙鳳巢小飲

春風先客來園林生意足天桃一樹紅稚柳半亭綠閉
門開小宴幽窗列高燭晶瓶插新花磁尊泛春醪落
素心人同來真不速從容文酒會昕夕話衷曲人生天
地間誰能耐拘束半醉吐狂言驚訝到僮僕雜坐忘主
賓莫慮漏聲促不見初月光多情照茅屋

謝張詩船農部祥河惠武夷茶

綠雪才煎分外香幔亭仙品許分嘗貽來天上小團月
沁人心脾一味涼

陔蘭書屋詩集

卷二

三

與君相約上平臺小坐春風又一回領得東坡詩意好
新從試院煮茶來君于去年
典試閩中

習習輕風兩腋生翠濤聲裏句初成近來不減盧仝癖
要與新詩一樣清

題宋子庭廣文翔鳳詩集

一卷皎冰雪新詩見性情苦吟知律細無事愛官清學
博心能斂才高氣益平金臺欣握手遠夢慰寒檠

敬和榕臯伯祖九旬重宴瓊林紀恩詩元韻

六首

靈光品望仰桓更卿景同深快睹情緣酒分香千里近

紫泥錫瑞一家榮神芝銜到仙人鹿新柳聽來上苑鶯喜爲熙朝添盛事好將雅頌奏昇平

小步閒庭一徑斜三松鱗老蔭周遮蘭暗新種雙株樹鶴髮重看十里花世仰斯文斲輪手

帝稱江左讀書家詞林從此增佳話錦障爭駢言語誇萬花齊擁管城春賦就閒居筆有神涑水名園非獨樂汾陽舊里是親仁修齡合冠耆英社淑景新開攬揆辰記得嶠均曾待漏重來被省話前因

集賢里第集衣冠詠蕩春光似海寬萬卷清芬彌嗜占一家樂事在遺安描摹竹影延新月醞釀花枝藉薄寒

咳蘭書屋詩集卷二

四

佳句瓊林推首唱定教通榜和詩難

庭槐手植已成行科第頻輝四葉光當代文章重燕許早年書格逼鍾王人欣絳帳春風近我喜金臺愛日長笑指頭銜舊農部優游田里課耕桑

豪簫均調鼓太和瑞雲都向絳霄摩蒲輪遙盼韶春發花徑剛期勝日過揮塵更聞詩律細求書定費墨丸磨壽人曲合翻新調譜入霓裳次第歌

同人招飲醉歸獨遊崇效寺看花

小飲醉未勝尋芳到孤寺香風撲面來便欲和花睡

題陸包山花塢幽禽畫卷

江南二月韶光媚包山山色浮濃翠每憶高人陸叔平貧來賣畫供沉醉三間茅屋號包山七十二芙蓉屋外環

繞屋名花間修竹幽禽時復啼間關寫生妙得徐黃趣拈毫直以神相遇花如愛鳥枝低垂鳥似憐花晴側注思翁賞鑒託絕奇擘窠喜爲研喻麋跋言更有婁嘉定

珍重容臺一首詩三百年來此真蹟攜到金臺出娛客銷夏清樽大白飛陽春光景千紅擲回首鄉山小洞庭

莫釐縹緲遠峰青靈巖歲歲花含笑林屋年年鳥弄翎讀畫天涯忘酷暑催詩微雨到池亭有人同記探梅夢翠羽花間喚客醒

咳蘭書屋詩集卷二

卷二

五

登涵秋閣同陶冕香廉訪宋于庭廣文若話並

贈朱野雲山人

庭榭延幽趣茶瓜助逸情藤窗納山色竹榻借秋聲雨浥朝塵淨香縈午夢清遙心寄鷗鷺合與訂新盟

題蔣小榭參軍

小紅雪樓圖

當年詩句冠騷壇老輩才名逼建安萬樹梅花一雙鶴有人此地倚闌干

紙帳銅瓶愜素心一樓紅雪伴清吟名園此日重逢主

畫裏雲山子細尋

回首鄉園夢裏家緇塵衣袂苦風沙何時一棹江南去

飽看樓頭萬樹花

題張亨甫明經際亮近詩

少陵太白是前身鸞鶴盤空不可馴惟有青天一輪月
宣甫夜夜照詩人

題畫次韻二首爲郭羽可孝廉儀秀作卽送其南

歸

平林淡淡淨無煙一縷新愁客夢牽指點短長亭子外
秋風秋雨乍涼天

山外斜陽樹杪煙送君無奈柳絲牽迴思詩舫聯吟日
兩地魂消畫裏天

咳蘭書屋詩集卷二

六

李仰山上舍增厚以竹梅寫真爲雙磨圖索題

披圖如見瘦吟身淨几明窗絕點塵十二闌干涼月影
夜來雙照比肩人

修到梅花定幾生香名豔福擅雙清最憐竹外橫斜影
寫入紅綃倍有情

指點家山畫裏看梅花千樹竹千竿詩名自愧人傳遍
要換紅閨一幅蘭尊夫人工畫蘭

詩舫同黃樹齋編修菊尊小集

今日同君醉尊前帽影斜淺畫秋色冷淡傲山家清
境憑誰領新詩向客誇東籬閒坐久地僻少喧嘩

陳雲伯大令文述于西湖修菊香雲友小青三女

士墓刊唱和詩爲蘭言集卽題其後并寄

風流瀟灑最相思不讓當年杜牧之此地湖山才子住
一春心事美人知霜蘭風絮懷三婦霧閣雲窗話一時
何日西泠訪遺跡梨花寒食上新祠

題卓海帆府丞憶山移談詩圖

梧桐蕭瑟竹迴環詩意翛然水石間紅樹白雲千里夢
清風明月幾人閒何時重話窗前雨相約同尋畫裏山
君是玉堂舊吟侶蓬萊仙境絕塵寰
展重陽圖爲朱野雲山人作

咳蘭書屋詩集卷二

七

畫出蕭疎景重陽又展期琴尊佳客共心事故人知難
鶴有奇響秋花無媚姿寒蘆添瑟瑟冷淡入新詩

曾文賓谷中丞招寓園賞菊越日以詩見示次韻
奉答

探花花縱遲看花人不老把酒對秋光花間同醉倒愛
花如愛客但願相逢早五羣厭塵鞅共話林泉好主人
冰雪懷諸君富才藻此花不媚俗貞心能自保

古人吟詩者齊仰李杜名古人愛菊者獨稱陶淵明先
生今詩伯顯氣侔金莖能以唐賢韻攬寫微士情四座
迭唱和神聽皆和平呼酒再三酌同公餐落英醉後聞

高詠清風吹我醒

再疊曾丈賓谷中丞第二首韻

世人愛菊花一花有一名我謂愛菊者於理尙未明其
香不在花卽在葉與莖淡可入詩品冷能養性情人間
有奇士意氣爲之平獨抱冰雪懷譬諸黃金英花前一
杯酒肯共衆醉醒

述懷三疊前韻呈曾丈賓谷中丞

我年方二十結交遍詩老諸老不我棄出語爲顛倒我
詩苦未成自悔得名早公更愛我詩逢人輒道好要須
養性情真氣斂才藻再拜誦公言公言我當保

陔蘭書屋詩集

卷二

八

少年盛意氣要立千秋名作詩雖餘技大義須分明數
詞去枝葉悟道無根莖不隨世俗見乃通古人情氣質
賴變化議論歸和平胸中有邱壑字裏含精英閉戶手
一編蕭然塵慮醒

秋日同顧丈南雅中允登涵秋閣

插架書連屋開窗山入樓詩情淡如菊人意冷于秋沙
際鳥驚起竹邊螢暗流近來耽野趣此地最清幽

題卓海帆府丞木天清暇圖

詞客情懷付玉笙一窗風月擅雙清畫屏紅燭修官史
不讓當年宋子京

居然身世遠塵寰掃地焚香靜掩關我亦近來添粉本
修簫月底畫雙鬟

題畫

雲勢挾山起山光倒插天路開白雲外人在青山顛風
急竹聲碎月明松影圓此中萬籟寂清夢伴幽泉

題湯雨生都督

貽汾

琴隱圖

幽蘭空谷共蕭閒指法君能溯大還譜到同心偕隱好
一家都住白雲間

碧梧疎柳各成趣流水高山空所思我有秋林新畫臺
抱琴坐到月明時

陔蘭書屋詩集

卷二

九

悼長女鴛繡

鴛繡名蕊仙戊子二月十七日生生之前一夕
堂上夢有以雙鴛見贈者醒時已報蕊仙生矣
遂以鴛繡爲字鴛繡方二齡靈心秀質能得堂
上歡見余作詩亦學苦吟聲尤愛觀余題畫于
今年十月二十七日以痘殤家人無不嗟惋慈
親尤傷感焉雌鶴無歸明珠不返良可悼已
去年春二月是汝誕生始生女似生男聰明良可喜願
兒無災害高堂爲啟齒前生疑金鑾終南石儻紀
十月二十七汝竟以痘危撫摩過百遍此去成長辭有

淚不敢揮只恐高堂知汝母慘汝歿悲來不自持又恐傷親心殮之勿遲遲

少時母愛吾今更愛吾女晨夕在膝前呀呀漸學語奈何頃刻間一死難自主萬種憐惜心到此淚如雨悲風何戚戚月冷夜逾靜花枝自動搖依依誤兒影淚爲哭兒乾夢爲思兒醒憶兒學語時何堪更追省

悼次女雙鴛

雙鴛名香南二月十二日生因堂上有雙鴛之

夢字曰雙鴛十一月十四日亦以痘殤淡旬之

間兩失掌珠未免有情誰能遣此爰爲詩以悼

亥蘭書屋詩集

卷二

十

之

我憶去年春鴛鴦來夢裏及汝既生時名鴛同汝姊顰面嬌如霞轉瞳明于水墮地呱呱聲賦詩先誌喜豈知命不長嗚呼竟如此

汝生纔九月痘鬼乃爲厲索乳投母懷撫汝亦匪易面目自端莊恍惚尚可記吾母憐汝悲謂汝生本異隔院兒啼聲聞之暗流淚

秋菊容欲萎猶有傲霜枝花落能重開人死無生期今日送汝去再見知何時問兒何所之渺茫不可知

題徐星溪總戎慶超春波洗硯圖

緩帶輕裘羊叔子茂林修竹王羲之龍跳虎臥一枝筆想見馬前飛檄時

將軍大筆竟如椽文采風流海內傳硯與書名同不朽前生早結墨因緣

洗甲銀河又一時爭看颯爽好英姿尺練賜等連成壁從此紗籠與護持時蒙見貽字幅

友人索題印譜

雕蟲雖小技變化通神奇筆所不能到先以運吾思象形翫龍鳳結體騰蛟螭刻劃中規矩直欲窮毫釐隸法溯程邈篆文詳李斯素心矢金石遙與古相期

亥蘭書屋詩集

卷二

十一

軍韻

題朱椒堂府丞

爲弼

西泠話別圖用阮丈芸臺制

一代騷壇許主持春風相送曲江池杏花得意傳消息楊柳多情悵別離搖碧齋中空憶舊軟紅塵裏且吟詩師門一片憐才意莫忘湖山載酒時君爲芸臺制軍門下士

咳蘭書屋詩集卷三

吳縣 潘曾綬 敘庭

庚寅

題畫

微風動疏柳秋意淡如此一行白鷺驚飛入蘆花裏

吳霽峯中丞 邦慶 招花之寺看花

小園惜春去古寺正花開早聽栗留喚因騎款段來主人極瀟灑勝地許追陪更有尋芳約相攜婪尾杯

雜詩

天馬無凡骨老鶴有奇響志士羞雷同矯矯期獨往不

咳蘭書屋詩集 卷三

爭一日譽要作千秋想吾道固宜爾清風灑天壤

碧空無纖翳皓月升林端須臾風雨至急若奔迴湍陰

陽互相激熱極自生寒擾擾塵中人古今同一歎

閉門但讀書不知出門難出門爲升斗不免俗念干懷

古有真儒進退胸中寬一身繫重輕天下同飢寒

題陶佩之茂才 懷玉 畫卷

江南二三月桃柳嬌春風柳色奪山綠桃花蒸霞紅茅屋半臨水入望雲迷濛伊啞一枝檣搖蕩煙波中笑余別家久披圖清心胸鄉思渺無極美絕柴桑翁

桐柏木桃圖爲周芸臯觀察 凱作

桐柏縣大禹廟有古木相傳夏以前物一日大

風折其木尺許形如桃香莊徐君得之以贈觀

察發積異香滿室命工斲成之并繪圖屬題

山生桐柏不入貢頗怪豫域無良材禹廟古木誰手植

離奇鐵幹封青苔人間斤斧不敢逼絕壁陡然響霹靂

危枝折墮神鬼驚形似蟠桃園一尺蟠桃間在瑤池邊

一花一實三千年東方小兒偶偷取至今傳者疑其仙

禹功萬古不能朽橘柚荒庭乏人守此桃得自香莊翁

珍重貽君祝母壽發函馥郁香滿室入畫團樂大如斗

乃知至性神明通穴桃之進將毋同和露試向北堂種

咳蘭書屋詩集 卷三

桃花歲歲開春風

趙飛燕玉印歌

燕燕飛來炎運厄班姬絢扇同秋擲深宮小印最晶瑩

依然分得仙霞碧體輕腰弱擅容華姊妹承恩說趙家

已見金釭銜古璧又看玉印暈桃花當筵最得君王意

此印宮中出天賜纖纖玉手綰紅絲寶匣沉檀鏤金字

綠熊席暖自生香始識溫柔別有鄉傾國蛾眉推第一

漢家天子寵昭陽誰人擁髻燈前憶一拳猶賸胭脂色

香痕隱隱認芝泥唾花染處休輕拭

竹嶼閒雲圖爲張南山刺史 維屏作